



SUSTENTABILIDADE FINANCEIRA E DISCIPLINA ORZAMENTARIA

VI. SUSTENTABILIDADE FINANCEIRA E DISCIPLINA ORZAMENTARIA

VI.1. Regras fiscais e orzamento 2021

A Dirección Xeral de Planificación e Orzamentos elaborou un escenario financeiro para o vindeiro 2021, que concretará as disponibilidades financeiras para a elaboración do orzamento da Comunidade Autónoma e adaptarase á taxa de referencia de déficit para as comunidades autónomas sometida a informe do Consello de Política Fiscal e Financeira., este escenario concrétese no teito de gasto aprobado o pasado 21 de outubro polo Consello da Xunta de Galicia.

A principios de marzo de 2020 as Cortes Generales aprobaron os obxectivos de estabilidade e débeda para o trienio 2021-2023, de modo que para o ano 2021 se establecía para as CCAA un obxectivo de déficit dun -0,1%, e dun -1,5% para todas as AAPP. Non obstante como consecuencia da crise sanitaria os ditos obxectivos quedaron desfasados en poucos días.

Como é sabido, con posterioridade o 20 de marzo a Comisión europea activaba a cláusula xeral de salvagarda do Pacto de Estabilidade e Crecemento, a mesma permite unha desviación temporal respecto da traxectoria de axuste cara ao obxectivo orzamentario a medio prazo, sempre que a dita desviación non poña en perigo a sostibilidade financeira a medio prazo. En agosto a Comisión reiterou que o vindeiro ano tamén segue activa a cláusula xeral de salvagarda.

De seguido o 5 de outubro no Consello de Política Fiscal e Financeira o Ministerio de Hacienda informou ás CCAA de que se suspendían as regras fiscais para os anos 2020 e 2021.

En concreto mediante o Acordo do Consejo de Ministros do día seguinte o Goberno decidiu suspender os obxectivos de estabilidade e de débeda para 2020 e para o trienio 2021-2023 aprobados polas Cortes Generales en marzo de 2020, que quedaron anulados e non se aprobaron uns obxectivos novos.

O Congreso dos Deputados ratificou o 20 de outubro de 2020 dito acordo do Consello de Ministros no que tamén se solicitaba a cámara baixa a apreciación de que España está sufrindo unha pandemia, o que supón unha situación de emerxencia extraordinaria, aos efectos previstos nos artigos 135.4 da Constitución e 11.3 da Lei orgánica 2/2012, do 27 de abril, de Estabilidade Orzamentaria e Sostibilidade Financeira, de modo que quedaron suspendidos definitivamente tanto o límite de déficit estrutural como o de volume de débeda pública.

Non obstante, aínda que se suspenderon as regras fiscais o Consejo de Ministros fixou unha taxa de referencia de déficit para os distintos subsectores, de modo que para o ano 2020 ás CCAA de réxime común teñen unha taxa de referencia do 0,6% e no 2021 dun 1,1%, e o conxunto do sector público un -11,3% en 2020 e en 2021 un -7,7%.

Tal e como se indica anteriormente neste informe, a Comunidade Autónoma de Galicia ao elaborar os Orzamentos do ano 2021 empregou todo o potencial de crecemento dos ingresos para poder maximizar a súa capacidade de gasto ao máximo, de forma que a necesidade de financiamento do próximo exercicio fixouse no 1,1% do PIB de Galicia, é dicir, en 685 millóns de euros,

En canto a débeda pública, a taxa de referencia fixada para as CCAA do 1,1% tamén actúa como límite de débeda xa que representa o importe máximo que o Estado vai financiar ás CCAA.

Neste sentido o endebedamento neto do vindeiro exercicio ven determinado por unha parte polo importe das cantidades a reintegrar como consecuencia das liquidacións negativas dos exercicios 2008 e 2009 (85 millóns de euros) e, por outra parte, pola necesidade de financiamento do orzamento consolidado (685 millóns de euros), resultando unha necesidade de endebedamento total de 770 millóns de euros.

En canto a regra de gasto, regulada no artigo 12 da Lei 2/2011 do 16 de xuño de disciplina orzamentaria e sostibilidade financeira ao establecer que “a variación do gasto computable do sector público autonómico non poderá superar a taxa de referencia de crecemento do produto interior bruto de medio prazo que informe cada ano o Consello de Política Fiscal e Financeira”, o Goberno do Estado tamén decidiu suspender a súa aplicación de xeito coherente co establecido para das regras fiscais agás os prazos fixados para o periodo medio de pagamento das administracións públicas, dada a importancia da achega de liquidez aos sectores produtivos na actual coxuntura.

Neste sentido, tal e como establece expresamente o Plan orzamentario 2021 remitido polo Reino de España a Bruxelas o 15 de outubro de 2020: “a Comisión Europea propuxo ao Consello a activación da cláusula xeral de salvagarda do Pacto de Estabilidade e Crecemento e, en liña coa dita recomendación España deixou recentemente en suspenso a aplicación dos obxectivos de estabilidade orzamentaria, regra de gasto e de débeda pública para 2020 e 2021”.

Tal como establece o anteriormente mencionado Plan Orzamentario 2021:

En todo caso, a suspensión das regras fiscais non supón en modo algún a desaparición da responsabilidade fiscal. De feito, a LOEPSF sigue plenamente vixente, e seguirán levándose a cabo, co mesmo rigor, as tarefas de supervisión e seguimento que corresponden á Administración General del Estado. Continúan sendo por tanto de aplicación as medidas preventivas, correctivas e coercitivas.

VI.1.1. Límite de débeda.

Por todo o anteriormente explicado, os límites operativos para formular os presentes orzamentos son dous.

A taxa de referencia de déficit que marca o límite máximo de necesidade de endebedamento en termos de contabilidade nacional e que será do 1,1% do PIB, esta se corresponde cos 685 millóns de euros que figuran no teito de gasto.

E, o límite de débeda congruente coa anterior taxa, que é o importe máximo de endebedamento que pode acadar a comunidade autónoma para 2021. Este límite será a débeda consolidada a finais de 2020 máis a necesidade de endebedamento dimanante da taxa de referencia anterior (685 millóns de euros) máis o importe correspondente á devolución das liquidacións negativas do sistema de financiamento autonómico correspondentes a 2008 e 2009 (85 millóns de euros), en total 770 millóns de euros como amosa o cadro adxunto.

A evolución do stock de débeda así determinado se realiza en base ao obxectivo de estabilidade contemplado nas contas orzamentarias e do importe dos reintegros das liquidacións negativas de 2008 e 2009, non prevéndose ningún axuste adicional, tal e como reflicte o cadro seguinte:

Cadro XXV. Límite de débeda 2021. Millóns € e %.

Débeda prevista a 31/12/2020 (SEC 2010)	Incremento de débeda incluído nos obxectivos			Débeda prevista a 31/12/2021 (SEC 2010)
	Liquid. neg. 2008 e 2009 SF CCAA	Obxectivo de déficit	Total	
1	2	3	4=2+3	5=1+4
11.551	85	685	770	12.321

Como pode apreciarse na conta financeira da memoria I, as previsións máximas de endebedamento neto dos orzamentos consolidados presentados acadan os 770 millóns de euros, esgotando o límite máximo autorizado.

Compre salientar a estes efectos que este límite actúa como auténtico tope de gasto nos presentes orzamentos ao recollese importantes empregos nos capítulo 8 “activos financeiros” que se financian co antedito endebedamento neto do exercicio a diferenza do acontecido nos orzamentos pasados. Na medida en que os 770 millóns de euros serán a contía máxima que autorizará a comisión delegada de asuntos económicos do Goberno de España a endebedarse adicionalmente á comunidade autónoma de Galicia, esta contía

limita as necesidades de financiamento tanto da parte non financeira dos orzamentos (capítulos I a VII) como da financeira (capítulo VIII).

Este feito pode apreciarse na seguinte conta que concilia as necesidades co endebedamento.

Cadro XXVI. Conciliación necesidade de financiamento, necesidade de endebedamento e endebedamento neto. Miles €.

Conta Financeira			
Operacións Correntes	2021	Operacións Financeiras	2021
Ingresos	9.966.617		
Impostos directos	2.747.988		
Impostos indirectos	3.337.412		
Taxas, prezos e outros ingresos	171.582		
Transferencias correntes	3.702.638		
Ingresos patrimoniais	6.996		
Gastos	9.014.535		
Gastos de persoal	4.305.902		
Gastos en bens correntes e servizos	2.012.895		
Gastos financeiros	99.905		
Transferencias correntes	2.595.833		
Aforro bruto	952.081		
Operacións de Capital	2021		
Ingresos	1.044.257		
Alleamento de investimentos reais	4.961		
Transferencias de capital	1.039.296		
Gastos	2.503.002		
Investimentos reais	1.534.666		
Transferencias de capital	968.336		
Formación de Capital	1.458.744		
Fondo de continxencia	45.417		
Necesidade de Financiamento	-552.080		
Saldo operacións con activos financeiros	-218.513		
Necesidade de endebedamento	-770.594		
		Endebedamento Neto	2021
		Endebedamento bruto	2.360.521
		Amortizacións	1.589.928
		Endebedamento Neto	770.594

VI.2. Evolución da situación financeira autonómica.

VI.2.1. Evolución orzamentaria

Neste apartado realizamos un breve análise da evolución do orzamento consolidado homoxeneizado da comunidade autónoma nos últimos exercicios.

Ingresos

Os ingresos non financeiros superan os 11.000 millóns de euros por vez primeira nas contas autonómicas, ata acadar os 11.011 millóns de euros, 910 millóns máis ca no orzamento de 2020, como é sabido isto é debido á achega de 1.800 millóns extraordinarios vía endebedamento e recursos extraordinarios da AGE e de fondos europeos..


Cadro XXVII, GALICIA. Evolución do orzamento de ingresos consolidado. Datos homoxeneizados

millóns de euros	2008	2009	2010	2011	2012	2013	2014	2015	2016	2017	2018	2019	2020	2021
INGRESOS														
I Impostos directos	1.364	1.516	1.374	2.031	2.030	1.913	1.937	2.020	2.194	2.335	2.275	2.431	2.616	2.748
II Impostos indirectos	2.689	2.399	1.897	2.856	2.959	2.944	3.133	3.118	3.243	3.324	3.456	3.451	3.638	3.337
III Taxas, prezos e outros ingresos	253	286	271	174	180	205	166	177	179	169	169	178	187	172
IV Transferencias correntes	5.064	4.949	4.497	2.760	2.616	2.312	1.953	2.168	2.394	2.517	2.815	3.008	2.943	3.703
V Ingresos patrimoniais	24	54	20	16	22	23	24	19	16	9	8	9	8	7
Total operacións correntes	9.395	9.205	8.058	7.836	7.806	7.397	7.214	7.501	8.026	8.354	8.724	9.076	9.392	9.967
VI Alieamento de investimentos reais	99	111	49	27	32	30	13	10	13	7	11	7	7	5
VII Transferencias de capital	709	742	681	613	589	513	480	517	535	561	559	671	702	1.039
Total ingresos de capital	808	853	730	640	621	543	493	527	548	568	570	679	708	1.044
TOTAL OPERACIÓNS NON FINANCIERAS	10.202	10.059	8.788	8.476	8.428	7.940	7.706	8.028	8.573	8.922	9.294	9.755	10.101	11.011
VIII Activos financeiros	1	1	1	10	11	20	20	14	32	30	43	21	29	25
IX Pasivos financeiros	474	851	2.048	1.340	1.373	1.476	2.507	1.700	1.657	2.031	1.387	1.768	1.692	2.361
TOTAL OPERACIÓNS FINANCIERAS	474	852	2.049	1.349	1.384	1.496	2.527	1.714	1.690	2.061	1.430	1.789	1.721	2.386
TOTAL ORZAMENTO DE INGRESOS	10.676	10.910	10.837	9.826	9.812	9.436	10.233	9.743	10.263	10.982	10.724	11.544	11.822	13.397

Dentro do ingreso corrente, compre salientar a diferente porcentaxe de participación nos tributos cedidos a partires de 2011, dimanante da aplicación do novo sistema de financiamento no cálculo das entregas a conta do devandito sistema dificulta a comparación en toda a serie temporal.

Respecto a 2020, o ingreso corrente crece en case 600 millóns de euros a pesar da baixa dos ingresos do sistema de financiamento, polos fondos extraordinarios acordados no seo do CPFF (que aumenta un 3,5% sobre 2019, 316 millóns de euros), compre salientar tamén que a contención de todo gasto no esencial xunto cos fondos extraordinarios permiten manter o aforo corrente nos niveis do ano pasado.


Gráfico XV. Evolución ingreso corriente 2008-2020 en millóns de euros.



O gráfico seguinte mostra a evolución do gasto corrente, a outra pola do aforo corrente, como pode apreciarse aumenta na mesma contía que o ingreso corrente, na súa maior parte para reforzar e facer fronte ás novas necesidades en materia de sanidade, educación e servizos sociais. Isto fai crecer todos os capítulos de gasto corrente agás o de gastos financeiros (capítulo III), que baixa 43 millóns de euros acadando o dato máis baixo da serie.


Esta evolución leva o gasto corrente total por enriba dos 9.000 millóns de euros, o dato máis alto dos orçamentos da comunidade autónoma, se ben unha parte importante do incremento ten carácter extraordinario e, polo tanto non consolidable como se indicou na primeira parte de esta memoria.

Gráfico XVI. Evolución gasto corrente 2008-2020 en millóns de euros



De seguido vemos como este control do gasto corrente, permite manter un importante aforo bruto que financia os investimentos. A seguinte gráfica enfrenta a evolución de ingreso e gasto corrente e permite apreciar como se mantén o diferencial xerado o ano pasado, xerando espazo fiscal en forma de aforo bruto en contías crecentes, o que mantén unha alta de financiar investimentos, que se reforza co recurso extraordinario á débeda de este ano. De xeito complementario, a liña amarela mostra como a taxa de financiamento de investimentos con débeda sube dende o dato case cero de 2020 .

Gráfico XVII. Gasto corrente vs ingreso corrente no orzamento consolidado. Millóns de euros




Respecto aos ingresos de capital, o orzamento prevé un esforzo investidor extraordinario para reactivar a economía, para o que se incorporan os fondos REACT UE, por 430 millóns de euros.

Sumando os ingresos correntes e os ingresos de capital obtemos o total de ingresos non financeiros do orzamento consolidado, a estas contías se engaden os ingresos financeiros (endebedamento e activos financeiros) para pechar o financiamento dos gastos da comunidade autónoma.

De seguido, recollese un cadro ilustrativo coa evolución da capacidade de financiamento de gastos orzamentarios (capítulos I a VIII de gastos), a partires dos ingresos non financeiros e ingresos de capítulo VIII, que chamamos ingresos orzamentarios neste gráfico, a capacidade completase co endebedamento neto de cada período.

Gráfico XVIII. Capacidade de gasto total agás amortización débeda. 2008-2021. Millóns de euros



Como pode verse a comunidade autónoma volta a empregar con carácter contracíclico o recurso ao endebedamento, para financiar un orzamento expansivo que permita reaccionar contra a pandemia e os seus efectos tamén no ano 2021.

Dentro da senda mostrada as disponibilidades para gasto total agás a amortización de débeda acadan os 11.807 millóns de euros no 2021, a maior da serie en consonancia de novo co esforzo financeiro que se está a realizar.

Gastos

O orzamento consolidado de gastos recolle tamén a evolución en millóns de euros dende 2008. Compre sinalar a efectos comparativos que a contía que ata 2010 figuraba no capítulo IV como participación dos concellos nos tributos do estado pasa a ter neste ano carácter extraorzamentario polo que resulta axustada en toda a serie para facilitar unha visión homoxenea da evolución do gasto en termos consolidados, asimismo tamén se eliminan a efectos comparativos os gastos financiados con FEAGA nos que a Xunta

actúa como mero intermediario, por ese mesmo motivo e seguindo as recomendacións do Consello de Contas.

Como pode apreciarse, atendendo ao gasto non financeiro, salientáanse claramente tres etapas na evolución do gasto:

- unha crecente, correspondente á fase expansiva ata 2009 no que o orzamento consolidado non financeiro acadou os 10.544 millóns de euros,

- outra fase decrecente que mostra un axuste á baixa no período 2010-2014, ata acadar un gasto non financeiro duns 8.343 millóns de euros nese último ano,

- e unha última de recuperación dende o orzamento de 2014 ata o actual, na que este medra ata os 10.149 millóns de euros no pasado orzamento para 2020, e experimenta un crecemento extraordinario no presente ata os 11.563 millóns de euros, co que superamos o teito de gasto acadado o ano 2009.

Na medida en que foi preciso recorrer ao endebedamento para suavizar o impacto do axuste no gasto consolidado, o capítulo de operacións financeiras e o capítulo de gasto financeiro mostran unha evolución crecente a partir de 2010, porén en 2015 invertese a tendencia, sendo o primeiro exercicio dende o comezo da crise no que suben os gastos non financeiros e baixan os financeiros, en 2016, 2017, 2018, 2019, 2020 e 2021 consolídase esta tendencia diminuíndo o gasto financeiro en 252 millóns de euros con respecto a 2014, ata chegar a 100 millóns de euros (igual ao orzamento de capítulo III de 1992)


Cadro XXVIII. Galicia. Orzamento consolidado de gastos. Datos homoxeneizados

	2008	2009	2010	2011	2012	2013	2014	2015	2016	2017	2018	2019	2020	2021
GASTOS														
I Gastos de Persoal	3.444	3.692	3.773	3.627	3.609	3.391	3.367	3.382	3.567	3.681	3.762	3.889	4.031	4.306
II Gastos en bens correntes e servizos	1.348	1.416	1.381	1.353	1.384	1.376	1.364	1.388	1.483	1.634	1.724	1.783	1.840	2.013
III Gastos financeiros	146	148	157	198	295	299	352	336	271	235	170	165	143	100
IV Transferencias correntes	2.359	2.430	2.471	2.322	2.239	1.970	1.941	1.960	2.015	2.161	2.222	2.320	2.411	2.596
Total operacións correntes	7.297	7.686	7.782	7.500	7.527	7.036	7.024	7.066	7.335	7.712	7.878	8.158	8.424	9.015
V Fondo de Continxencia	65	99	62	78	76	85	105	125	52	37	39	39	33	45
Total fondo de continxencia	65	99	62	78	76	85	105	125	52	37	39	39	33	45
VI Inversións Reais	1.382	1.439	1.251	805	782	711	666	700	777	841	881	911	929	1.535
VII Transferencias de Capital	1.337	1.320	1.108	720	704	604	548	496	593	631	688	741	762	968
Total operacións de capital	2.719	2.759	2.359	1.525	1.486	1.315	1.214	1.196	1.370	1.473	1.570	1.652	1.691	2.503
TOTAL OPERACIÓNS NON FINANCIERAS	10.081	10.544	10.203	9.102	9.089	8.436	8.343	8.388	8.757	9.222	9.487	9.850	10.149	11.563
VIII Activos Financeiros	122	120	118	307	176	166	140	147	153	152	161	164	154	244
IX Pasivos Financeiros	474	246	516	417	548	834	1.750	1.208	1.353	1.608	1.076	1.531	1.519	1.590
TOTAL OPERACIÓNS FINANCIERAS	596	366	634	723	723	1.000	1.890	1.355	1.506	1.761	1.237	1.695	1.673	1.834
TOTAL ORZAMENTO DE GASTOS	10.676	10.910	10.837	9.826	9.812	9.436	10.233	9.743	10.263	10.982	10.724	11.544	11.822	13.397

O cadro anterior mostra a evolución dos pesos das diferentes partidas de gasto non financeiro nos orzamentos consolidados de 2021 respecto ás do 2008, como pode verse a natureza dos servizos públicos prestados pola comunidade autónoma (xustiza, educación, sanidade, servizos sociais), implica unha composición do gasto intensa no gasto corrente (persoal, gastos de funcionamento e consumos dos centros). Ademais os gastos extraordinarios para reforzar e manter os servizos públicos no actual contexto pandémico tensionan á alza estas partidas de gasto ao seren intensivos en consumo de gasto de persoal e material. Por elo os capítulos I e II de gasto aumentan o seu peso co paso do tempo dada a forte rixidez dos mesmos e suben 448 millóns no presente orzamento.

As políticas de xestión da carteira de débeda aproveitando a expansión cuantitativa do BCE e o rigor no proceso de consolidación fiscal mostrado pola comunidade autónoma reflíctense na baixa do custo do endebedamento, que baixa a niveis históricos, liberando case 43 millóns de euros no 2021 que se poden dedicar a financiar o funcionamento de servizos públicos básicos sen afectar ao aforro bruto, como mostra a seguinte gráfica.

Gráfico XIX. Gastos financeiros. Evolución dos gastos financeiros no orzamento consolidado 2006-2020.




As transferencias correntes tamén pasan a acadar o nivel mais alto da serie, neste caso polo desenvolvemento da Lei de Dependencia e o apoio ás políticas de familia e de inclusión tentando garantir que a recuperación chegue primeiro aos que máis a precisan.

O resultado é que se no ano 2008 o peso do gasto corrente acadaba un 72,4% do gasto non financeiro do orzamento consolidado, no 2020 este supera o 83%.

O gasto en capital reflicte o necesario impulso ás políticas de fomento e a os investimentos produtivos para apoiar a reactivación económica e social, estas superan os 2.500 millóns de euros duplicando a magnitude de 2014, este importante crecemento que supón 812 millóns máis que o pasado exercicio e é posible polo aproveitamento das capacidade de endebedamento ao límite, os novos recursos europeos e o mantemento do esforzo en aforro bruto.

A gráfica seguinte permite apreciar este salto cuantitativo nos investimento (área azul claro), debuxando un pico no último exercicio da mesma, tamén permite apreciar estable senda crecente do gasto corrente, dende os mínimos dos anos da grande crise e o repunte especial de este ano polos gastos extraordinarios de reforzo dos servicios públicos básicos pola pandemia.


Gráfico XX. Evolución do gasto non financeiro vs gasto corrente. Orzamentos consolidados 2008-2021



O resto das partidas do orzamento, ven condicionado pola rixidez do gasto corrente, así a capacidade de financiamento de investimentos de capital ven dada pola suma do aforo bruto, os ingresos de capital e a capacidade de endebedamento libre da financiación de activos.

Como detalle de este forzo investidor extraordinario, podemos apreciar na gráfica seguinte como este crece baseado nun sólido aforo bruto, e nos recursos de capital e capacidade de endebedamento extraordinarios de este ano. O que permite apreciar como tan so cos recursos adicionais e o aforo corrente que se mantén, xa estabamos a superar a capacidade de financiamento de investimentos de 2020.

Gráfico XIX. Evolución do financiamento do gasto de capital 2014-2019



Evolución do gasto real

De seguido procederase a analizar a evolución das principais magnitudes e saldos orzamentarios da comunidade autónoma partindo dos ingresos e gastos consolidados realizados correspondentes ao período 2008-2019, última conta xeral da comunidade autónoma liquidada.

Compre salientar que todos os datos son os correspondentes á conta xeral da comunidade autónoma, homoxeneizados deducindo as partidas que pasan a ser extraorxamentarias neste período (a participación das corporacións locais nos tributos do estado e o FEAGA).

A distribución por capítulos dos gastos durante o período 2008-2019 é a que segue:

Cadro XXVIII: Gastos Consolidados non financeiros (Obrigas Recoñecidas). Datos en Millóns de euros

	2008	2009	2010	2011	2012	2013	2014	2015	2016	2017	2018	2019
GASTOS												
I Gastos de Persoal	3.576	3.899	3.823	3.725	3.441	3.447	3.451	3.560	3.668	3.749	3.845	4.066
II Gastos en bens correntes e servizos	1.409	1.414	1.357	1.321	1.594	1.541	1.567	1.646	1.650	1.786	1.831	1.864
III Gastos financeiros	135	111	122	214	257	302	365	308	270	224	154	158
IV Transferencias correntes	2.430	2.609	2.559	2.273	2.179	2.059	1.993	1.957	2.019	2.105	2.157	2.242
Total operacións correntes	7.550	8.033	7.861	7.533	7.470	7.349	7.376	7.470	7.606	7.864	7.987	8.330
V Fondo de Continxencia	0	0	0	0	0	0	0	0	0	0	0	0
Total fondo de continxencia	0	0	0	0	0	0	0	0	0	0	0	0
VI Inversións Reais	1.362	1.258	882	681	660	627	526	750	692	681	682	688
VII Transferencias de Capital	1.247	1.036	780	540	581	488	439	528	350	388	439	506
Total operacións de capital	2.609	2.294	1.663	1.221	1.241	1.115	965	1.278	1.041	1.069	1.122	1.194
TOTAL OPERACIÓNS NON FINANCIERAS	10.160	10.327	9.524	8.754	8.711	8.465	8.340	8.748	8.648	8.933	9.109	9.524
VIII Activos Financeiros	136	134	132	113	196	130	168	141	176	127	130	393
IX Pasivos Financeiros	348	246	520	420	508	1.026	1.461	1.306	1.334	1.756	1.034	2.710
TOTAL OPERACIÓNS FINANCIERAS	484	380	652	532	704	1.155	1.629	1.447	1.510	1.883	1.164	3.103
TOTAL ORZAMENTO DE GASTOS	10.644	10.707	10.175	9.286	9.415	9.620	9.969	10.195	10.158	10.816	10.273	12.628

En canto aos gastos correntes, a súa execución no 2019 representou o 87% do gasto non financeiro total, un punto menor que o ano anterior polo mellor desempeño dos investimentos. No exercicio 2019 crecen por enriba da media os gastos de persoal e as transferencias de capital, un 5,7% e 15,1% sobre un aumento medio non financeiro do 4,6%. Tamén destaca o mantemento en mínimos do gasto financeiro. Dende o ano 2008 ata o 2019 o incremento do gasto corrente foi de 780 millóns de euros, un 10,3% máis.

En canto aos gastos de capital, a súa execución no 2019 representou unicamente o 12,5% do gasto non financeiro total, lixeiramente superior ao do ano anterior pero aínda en cifras relativamente modestas.

No que atinxe ao financiamento do gasto materializado en investimentos, a metade do mesmo procede de fondos propios xerados co aforro corrente (533 millóns de euros), un 37% dos ingresos de capital e o 18,7% restante da capacidade de endebedamento.

Se botamos unha ollada á composición do financiamento dos investimentos, podemos apreciar como muda radicalmente e resulta financiado integramente polos ingresos de capital e o aforro bruto, e isto a pesares da continua baixa do Fondo de Compensación Interterritorial nos PGE, tradicional fonte de financiamento para cohesionar a capacidade de investimento dos diferentes territorios cuxa evolución non deixa de baixar dende a grande crise.

Cadro XXIX. Fontes de financiamento dos investimentos do orzamento consolidado en %

Ratio Investimento por fonte	2015	2016	2017	2018	2019	2020
%Financiamento FCI / Investimento Real	12,5%	6,7%	6,8%	4,8%	4,8%	4,6%
%Financiamento fondos propios / Investimento Real	56,2%	80,8%	78,4%	76,5%	74,5%	73,8%
%Financiamento finalista do Estado / Investimento Real	1,7%	2,6%	2,1%	1,0%	1,6%	1,5%
%Financiamento europeo / Investimento Real	29,3%	9,7%	12,5%	16,2%	18,6%	18,9%
Outros	0,3%	0,1%	0,2%	1,4%	0,4%	1,2%
	100%	100%	100%	100%	100%	100%

En canto a evolución do gasto non financeiro total, o seu máximo neste período (2008- 2019) acadouse no ano 2009 cando o seu importe ascendeu a case 10.327 millóns de euros. No ano 2010 prodúcese por primeira vez unha caída do gasto non financeiro da Comunidade Autónoma de Galicia respecto o ano anterior o que se volta a producir nos anos 2011 a 2014. No 2015 comeza unha nova etapa do crecemento do gasto non financeiro consolidado que crece de xeito continuado ata os 9.524 millóns de euros no 2019.

No que atinxe aos ingresos, a súa distribución por capítulos durante o período 2008-2019 mostra unha evolución aínda mellor, tanto en termos absolutos como no seu contido ao basearse nun crecemento sólido do ingreso corrente, tal e como pode apreciarse no seguinte cadro:

Cadro XXX. Ingresos Consolidados (Dereitos Recoñecidos). Datos en Millóns de euros

millóns de euros	2008	2009	2010	2011	2012	2013	2014	2015	2016	2017	2018	2019
INGRESOS												
I Impostos directos	1.651	1.737	1.385	2.050	2.020	2.023	1.998	2.089	2.262	2.375	2.385	2.491
II Impostos indirectos	2.550	2.119	1.874	2.690	2.733	2.892	3.141	3.151	3.222	3.304	3.468	3.400
III Taxas, prezos e outros ingresos	252	262	248	256	166	180	186	204	177	171	181	197
IV Transferencias correntes	4.644	5.019	4.364	2.460	2.402	2.290	1.935	2.209	2.375	2.537	2.712	2.762
V Ingresos patrimoniais	61	29	19	23	25	41	29	14	19	12	11	12
Total operacións correntes	9.158	9.165	7.890	7.479	7.346	7.425	7.288	7.668	8.055	8.400	8.757	8.863
VI Alieamento de investimentos reais	84	66	22	24	16	17	11	8	8	4	4	16
VII Transferencias de capital	716	760	649	558	464	478	396	644	227	286	445	422
Total ingresos de capital	800	826	671	582	480	495	407	652	235	290	449	438
TOTAL OPERACIÓNS NON FINANCEIRAS	9.958	9.991	8.561	8.060	7.826	7.920	7.695	8.319	8.290	8.690	9.206	9.301
VIII Activos financeiros	19	16	7	4	33	26	26	33	35	35	44	30
IX Pasivos financeiros	588	936	1.822	1.293	1.624	1.909	2.221	1.752	1.882	2.218	1.194	2.971
TOTAL OPERACIÓNS FINANCEIRAS	607	953	1.830	1.298	1.657	1.935	2.247	1.785	1.916	2.253	1.239	3.002
TOTAL ORZAMENTO DE INGRESOS	10.565	10.944	10.391	9.358	9.483	9.855	9.942	10.104	10.206	10.943	10.445	12.303

Os ingresos correntes acadaron o seu máximo nos anos 2008 e 2009, reducíndo-se no 2014 respecto ao máximo de 2009 en 1.877 millóns de euros un 20,5% menos. Agora no 2019 recupéranse dende o chan acadado no 2014 ata acadar os 8.863 millóns de euros. Dende o 2011 esta masa financeira amosaba unha evolución estable en torno aos 7.400 millóns de euros, tras unha baixa anómala no 2014 (que explica a importante liquidación do sistema de financiamento no 2016), aumentan no 2015, e crecen con forza

no 2016, 2017, 2018 e máis modestamente no 2019, de novo debido a unha liquidación anormalmente baixa do SFA, neste caso debida ao efecto non compensado do SII do IVE, que ven reclamando a comunidade autónoma.

En canto aos ingresos de capital, a súa execución no 2019 permanece na liña do exercicio anterior sufrindo un lixeira baixa de 10 millóns de euros.

No que refire á evolución dos ingresos non financeiros, logo de sufrir o impacto da grande crise no período entre 2010 (no que baixan 1.430 millóns de euros) e 2014, se recuperan paseniñamente ata os 9.301 millóns de 2019, unha magnitude que análoga ás de primeira década deste século.

No que refire ao aforro corrente, ás abruptas caídas de ingresos da grande crise inhabilitaron a capacidade de xerar aforro corrente, chegando este a ser negativo ata en tres ocasións no período de crise, e non sendo ata 2015 que se inicie unha sólida senda de crecemento baixa ata 533 millóns de euros no 2019, dende os 770 millóns do ano anterior.

Como se ten indicado na parte orzamentaria, a importancia de este saldo orzamentario radica en que foi, e debe ser nunhas finanzas saneadas, o principal fornecedor de financiamento de investimentos da comunidade autónoma. Polo que de non recuperarse os ingresos correntes, a capacidade de investir no futuro verase limitada ás disponibilidades de fondos finalistas.

Finalmente, en canto á evolución do superávit ou déficit non financeiro, no período de referencia pódense extraer as seguintes conclusións: no ano 2007 conseguiu pechar o exercicio cun superávit non financeiro e os anos seguintes remataron todos con déficit. O máis elevado produciuse no ano 2010 cando ascendeu a 964 millóns de euros.

Despois dun superávit extraordinario no ano 2018, o saldo non financeiro volta a ser lixeiramente deficitario -223 millóns de euros pero cumprindo o obxectivo de estabilidade orzamentaria para 2019, porén compre lembrar a estes efectos que, de ter corrixido o impacto na liquidación do IVE da implantación do SII no ano 2017, tal e como reclama a comunidade autónoma de Galicia, o saldo voltaría a estar equilibrado.


VI.3. Evolución do Endebemento: posición relativa

O principal resultado da evolución dos ingresos e gastos consolidados dunha administración é o seu saldo non financeiro ou resultado orzamentario que acabamos de analizar e o seu corolario, o endebedamento preciso para financeiro.

A ratio débeda/PIB da Comunidade Autónoma de Galicia reduciuse entre finais do 2015 e o segundo trimestre de 2019, último dato dispoñible nun 1%, por enriba da media

das CCAA (baixou nun 0,7%). Se analizamos unha evolución a longo prazo do mesmo podemos apreciar a dinámica máis controlada do mesmo na nosa comunidade autónoma

Gráfico XX. Evolución débeda PDE. Ratio débeda/PIB. Banco de España



A necesidade dunha evolución moderada do endebedamento non é un fin en si mesmo, é a garantía de sostibilidade das finanzas públicas, xa que permitirá cando sexa preciso acudir de xeito temporal a os ingresos financeiros para compensar caídas do ingreso público en fases recesivas do ciclo, como a que estamos a vivir. En efecto, o actual non é o momento de preocuparse pola débeda, senón de impulsar investimentos productivos que permitan xerar emprego e riqueza e superar a perturbación causada pola COVID-19.


A estes efectos manter unha débeda controlada ata o de agora é unha fortaleza que nos permite soportar menores custes financeiros, pero tamén acudir máis facilmente a os mercados financeiros en caso de ser preciso. A seguinte gráfica mostra a evolución dos últimos anos do stock de débeda da comunidade autónoma e do custe de mantela, malia que o stock mantense ou descende levemente dende 2017, a súa ratio co PIB descende polo crecemento continuado de este último.

Como se pode apreciar o control de este stock combinado con unha axeitada política de xestión de pasivos aproveitando as favorables condicións de mercado, está a xerar importantes aforros de custes en xuros ás finanzas autonómicas.

Malia que este era o camiño a seguir ata os niveis de débeda previstos na normativa de estabilidade orzamentaria, o radical cambio da situación socio económica causado pola

pandemia muda este plantexamento, e haberá que retomar o recurso á débeda para apalancar a recuperación, como se describe no apartado seguinte.

Gráfico XXI. GALICIA. Evolución da ratio débeda/PIB



VI.4. Transparencia

A Lei 2/ 2011, de 16 de Xuño, de Disciplina Orzamentaria e Sustentabilidade Financeira dispón no seu artigo 19, adicado a instrumentación do principio de transparencia, apartado 5 que “Os orzamentos xerais recollerán información sobre a necesidade de financiamento da Comunidade Autónoma, os investimentos reais das empresas públicas en termos de contabilidade nacional, a ratio de gasto público da Comunidade Autónoma en relación co produto interior bruto rexional, o nivel de débeda pública no seguinte exercicio e a evolución das seguintes ratios e magnitudes: ratio débeda/PIB, ratio débeda/ingresos correntes, risco comprometido por avais e compromisos por emprego de fórmulas de pago adiado, tanto xa contratadas como das previstas para o exercicio orzamentario”.

As seguintes ratios elabóranse a partires do dato certo do último exercicio pechado (2019), da previsión de cerramento de 2020 e, do orzamento que se presenta para 2020. A cifra de referencia do PIB para a ratio débeda PIB é a tida en conta no protocolo PDE do Banco de España e as previsións de variación do PIB do IGE para 2020 e 2021.

Cadro XXXI. Ratios orzamentario-financeiros

	2015	2016	2017	2018	2019	2020	2021
Necesidade de Financiamento (% PIB)	-0,70%	-0,60%	-0,20%	0,20%	-0,10%	-0,20%	-1,00%
Necesidade de Financiamento (M€)	-378	-341	-136	104	-69	-136	-585
Investimentos reais das empresas públicas (M€)	127,9	92,7	101,0	101,1	116,8	136,3	193,3
Ratio Gasto Non Financeiro - PIB rexional	15,0%	15,2%	15,2%	15,1%	15,0%	17,6%	18,6%
Ratio Gasto Total - PIB rexional	17,4%	17,8%	18,1%	17,1%	17,5%	20,5%	21,5%
Ratio Investimento por habitante	255,9	285,9	310,6	326,1	338,0	345,4	570,9
Ratio gasto non financeiro por habitante	3.084,6	3.236,3	3.405,3	3.509,7	3.653,2	3.773,9	4.300,5
Débeda Pública (M€)	10.375	10.854	11.210	11.342	11.315	11.551	12.321
Ratio Débeda - PIB	18,5%	18,8%	18,6%	18,1%	17,5%	19,5%	19,3%
Ratio Débeda - Ingresos Correntes	138%	135%	134%	130%	125%	123%	124%
Débeda por Habitante	3.793,9	3.989,6	4.139,5	4.195,8	4.196,5	4.295,2	4.582,5
Risco comprometido por avais (M€)	138,2	108,0	91,7	63,0	31,5	30,6	8,7
Compromisos por emprego de fórmulas de pago adiado	3.067,6	2.857,0	2.722,0	2.617,2	2.478,7	2.335,1	2.194,1

Neste sentido a Necesidade de Financiamento de Galicia no exercicio 2020 será dun 0,2% do PIB rexional cumprindo co obxectivo de estabilidade orzamentaria vixente o cal supón unha necesidade de financiamento de 136 millóns de euros. Do mesmo xeito para 2021 o esforzo de financiamento das políticas expansivas de reactivación económica e compensación da baixa de recursos ordinarios fai que o recurso á débeda chegue ao 1,1 do PIB de xeito extraordinario, o que supón 685 millóns de euros.

A gráfica seguinte compara a senda de consolidación fiscal de Galicia e do total das comunidades autónomas, permite apreciar como os esforzos temperás na contención do déficit permiten unha senda máis suave no espazo temporal obxecto de análise, o que se traduce en máis estabilidade na dotación das diferentes políticas de gasto a igual esforzo de redución do déficit da media das CCAA, o que xa permitiu rematar antes a senda de consolidación fiscal e xerar máis marxe de manobra fronte a posibles contingencias, como acontece neste ano, no que Galicia mantén unhas finanzas estable fronte á incertidume que nos rodea sen ter que facer esforzos de consolidación adicionais.


De seguido recóllese a mesma táboa para o conxunto do sector público (sen incluír a axuda ao sector financeiro).

Cadro XXXII. Taxas de déficit de referencia


	2020	2021
Administración central	-6,6	-3,5
Comunidades Autónomas	-0,6	-1,1
Corporaciones Locales	0,0	-0,1
Seguridade Social	-4,1	-3
TOTAL	-11,3	-7,7

A representación gráfica de esta senda das diferentes administracións mostra como xurde con forza un novo actor na determinación das necesidades de financiamento das administracións públicas, que xa no 2016 supera ás comunidades autónomas neste parámetro, é a administración da seguridade social, que é a administración pública que sofre un maior deterioro por mor da crise e do desaxuste financeiro do sistema contributivo que a fornece de recursos, esta situación ven condicionando os repartos de obxectivos de déficit entre as diferentes administracións dende 2013, o gráfico seguinte permite apreciar como será o subsector das AAPP que terá maior déficit no cuadrenio 18-21.

Gráfico XXII. Da senda de consolidación fiscal 21-23...
...as taxas de referencia 2021



Senda con taxas de referencia 20-21



No que atinxe aos investimentos reais das entidades instrumentais da comunidade autónoma que non forman parte do orzamento administrativo no ano 2020 ascende a 136,3 millóns de euros, e no 2021 prevese expandir os seus investimentos en consonancia co resto do sector público autonómico ata acadar os 193.3 un 426% e 57 millóns máis que o exercicio anterior. O importe detallado dos devanditos investimentos por ente xúntase como anexo ao final do documento.

No que atinxe ás diferentes ratios de gasto; a ratio de gasto público da Comunidade en relación co PIB rexional, esta debe reflectir o importante esforzo expansivo contracíclico do orzamento medrando ata o 21,5% no 2021 dende o 20,5% do 2020.

Do mesmo xeito, no ano 2020 a porcentaxe de gasto non financeiro en relación ao PIB de Galicia foi dun 17,6%, e sube ata o 18,6% no ano 2021, compre salientar que estas dúas ratios suben de xeito importante sen aumentar o gasto no 2020 debido á abrupta caída do PIB, polo que a comparación máis realista para apreciar o esforzo expansivo do orzamento é o dato de 2019, onde sobre o PIB o gasto total supón un 17,5% e o gasto non financeiro un 15%.

En canto o nivel de Débeda Pública do ano 2019, a finais de dito ano, como se ten sinalado na parte de débeda, a débeda pública calculada segundo o Procedemento de Déficit Excesivo acadou o importe de 11.315 millóns de euros e prevese que a finais do ano 2020 sexa de 11.551 millóns de euros, e para 2021 a previsión coherente co orzamento que se presenta e de que acade os 12.321 millóns de euros, que suporá un incremento da mesma de 770 millóns, os previstos na conta financeira dos orzamentos para 2021

que reflicten o recurso extraordinario á débeda para financiar as políticas de reactivación económica.

A Lei de Disciplina Orzamentaria esixe información sobre a evolución das seguintes ratios que teñen relación co nivel de débeda pública: a ratio débeda/PIB e a débeda en relación cos ingresos correntes.


A evolución da ratio débeda/PIB dende a última ratio anual informada polo Banco de España correspondente ao ano 2019, un 17,5 % aumenta, dous con cinco puntos, rompendo a, evolución descendente que muda de xeito extraordinario pola abrupta caída do PIB que afecta ao denominador da ratio facendo que aumente substancialmente, así no 2020 prevese pechar cunha ratio do 19,5%, e de cara a 2021 malia que o PIB experimenta un forte crecemento, o recurso extraordinario á débeda para financiar as medidas de reactivación económica fai que a taxa esperada sexa do 19,3%.

Respecto a relación entre a débeda e os ingresos correntes ao cerramento do ano 2019 a débeda prevista de Galicia constituirá o 125 % dos seus ingresos correntes e no ano 2020 dita relación baixará ao 123 % como consecuencia do cativo aumento do stock de débeda previsto a finais de ano (236 M€), fronte ao aumento dos ingresos correntes en 315 millóns de euros, que aínda non están computando os ingresos extraordinarios do RDL 22/2020 o que fará baixar esta ratio aínda máis. No que refire ao vindeiro exercicio 2021 no que a ratio mostra unha evolución estable, estimando chegar ao 124% polos aportes extraordinarios de financiamento que compensan os gastos correntes aumentados pola COVID.

O mantemento dunha senda en parámetros aceptables, de acordo coas rexións máis solventes da nosa contorna, así como o cumprimento dos obxectivos e regras fiscais, non son un fin en si mesmo, senón a vía para aumentar a solvencia dos galegos -como mostra a seguinte gráfica con menos débeda per cápita que o resto das CCAA e, en última instancia a mellor garantía da sostibilidade dos servizos públicos e de reserva de marxe de manobra para circunstancias adversas como as que estamos a afrontar.

A evidencia palmaria de esta afirmación é o aumento previsto de recurso ao endebedamento para o vindeiro ano, cando será preciso adoptar medidas expansivas de gasto que contrarresten o parón económico causado pola COVID-19.

Gráfico XXIII. Evolución da ratio débeda por habitante. Comparativa Galicia-media ccaa



De seguido nos referimos ao risco comprometido por avais, hai que ter en conta o disposto no Texto Refundido da Lei de réxime financeiro e orzamentario de Galicia, en concreto nos seus artigos 40 a 45, respecto do límite máximo de avais que se poderán conceder durante cada ano nos que se remite a Lei de Orzamentos.

Neste sentido a Lei de Orzamentos de Galicia do ano 2021 dispón que o importe máximo dos avais que a Xunta de Galicia poderá conceder durante o ano 2021 será de 30 millóns de euros, de seguido establece que o Instituto Galego de Promoción Económica poderá conceder, durante o ano 2021, avais en canto non se supere en ningún momento o saldo efectivo vixente de 500 millóns de euros.

Dende xuño de 2015, a concesión de avais está suxeita ao principio de prudencia financeira de acordo ao artigo 13 da Lei Orgánica 8/1980, de 22 de setembro, de Financiación de Comunidades Autónomas (LOFCA).

As condicións de prudencia para avais tense desenvolvido por Resolución da Secretaría General Coordinación Autonómica y Local, que fixa un límite do importe total de avais autorizado por cada comunidade autónoma do 1,5% do seu PIB rexional, os límites recollidos na lei de orzamentos recollidos no parágrafo anterior respectan esta limitación.

Para a comunidade autónoma de Galicia este límite sitúase nos 864 millóns de euros, superior ao límite autorizado na Lei de orzamentos (500 millóns de euros) e ao risco vivo por avais estimado a peche de 2020 (30,6 millóns de euros). Para o ano 2021 estímase que as operacións de concesión de novos avais e amortización de vencementos rebaixen substancialmente o risco comprometido por avais polo IGAPE en torno aos 9 millóns de euros.

Por último a Lei de Disciplina Orzamentaria establece que os Orzamentos recollerán información dos compromisos por emprego de fórmulas de pago adiado, tanto das xa contratadas como das previstas para o exercicio orzamentario, esta información figura adicionalmente na memoria I.

En canto aos compromisos por emprego de formulas de pago adiado xa contratados son as mesmas contías que as correspondentes ao pasado orzamento menos unha anuabilidade, a seguinte táboa reflicte o detalle:

Cadro XXXIII. Compromisos de pago futuros en cpp e concesións de obra pública

Contratos celebrados colaboración público-privada e concesión de obra pública								
PROXECTOS	ADMINISTRACIÓN XERAL					SERGAS		
	AG-56 Santiago-Brión - As Galanas(N-550)-Pardiñas (AG-56)	Vía rápida VRG-4.1 O Salnés	Vía Rápida do Barbanza. VRG-1.1	A52 - Fronteira Portuguesa. VAC A-52 Celanova	Autovía Costa da Morte	Conc Obra Púb Novo Hospital de Vigo	Contrato Alta Tecnoloxía	
COMPROMISOS DE PAGO ANUAIS								
ANO	Investimento	Investimento	Investimento	Investimento	Investimento	Canons	Investimento	Canons
2021	13.278	6.168	10.824	9.821	24.870	28.124	37.227	10.640
2022	13.771	6.467	11.366	10.105	25.492	27.652	37.746	10.945
2023	14.324	6.785	11.952	10.386	26.129	27.740	37.650	9.399
2024	14.900	7.130	12.557	10.695	26.782	27.828	37.553	
2025	15.543	7.456	13.183	10.918	27.452	26.563	38.945	
2026	16.126	7.747	13.855	11.165	28.138	26.650	38.848	
2027	16.777	8.045	14.551	11.409	28.842	31.230	33.811	
2028	17.452	8.383	15.299	11.685	29.563	31.333	33.697	
2029	18.206	8.683	16.072	11.892	30.302	29.235	36.005	
2030	18.885	9.025	16.899	12.112	31.059	29.332	35.898	
2031	19.643	9.375	17.756	12.331	31.836	29.429	35.792	
2032	20.430	9.760	18.638	12.585	32.632	29.526	35.684	
2033	21.313	10.110	19.584	6.707	33.448	24.596	41.108	
2034	21.959	10.497	20.560	6.826	34.284	23.582	42.223	
2035	15.987	7.708	21.600	6.941	35.141	17.309	30.884	
2036			8.213	7.080	36.019			
2037				7.182	36.920			
2038				7.303	10.368			
2039				7.429				
2040				2.256				
	258.595	123.342	242.908	186.828	529.277	410.127	553.070	30.984

(Miles de Euros)

Dita táboa reflicte que ata o ano 2040 a Xunta de Galicia ten comprometidos a través das colaboracións público privadas 2.335,13 millóns de euros. No ano 2021 non está previsto dispor de máis gasto a través destas fórmulas de pago adiado, polo que o importe comprometido ao final do devandito ano será de 2.194,13 millóns de euros.

Cadro XXXIV. :ANEXO: Investimentos reais das empresas públicas. Miles de €

ENTIDADES	INVESTIMEN TOS REAIS 2021
Portos de Galicia	18.442
Augas de Galicia	89.609
Axencia de Protección da Legalidade Urbanística	1.983
Consorcio Galego de Servizos de Igualdade e Benestar	2.496
Axencia para a Calidade do Sistema Universitario de Galicia	22
Consorcio extensión universitaria e divulgación ambiental	54
Consorcio de abastecemento de auga en Cervo e Buerela	0
Consorcio Casco Vello de Vigo	2.583
Consorcio Local dos Peares	4
Fundación Instituto Galego de Oftalmoloxía	74
Fundación Pública Cidade da Cultura de Galicia	9.400
Fundación Pública Urxencias Sanitarias de Galicia 061	0
Instituto Galego de Medicina Xenómica	1.425
Fundación Galicia Europa	4
Fundación Galega para a Tutela de Persoas Adultas	5
Fundación Semana Verde de Galicia	0
Fundación Centro Galego de Artesanía e Deseño	5
Fundación Centro Tecnolóxico de Supercomputación de Galicia	23.002
Fundación Exposicións e Congresos de A Estrada	0
Fundación Feiras e Exposicións de Lugo	29
Fundación Feiras e Exposición de Ourense	30
Instituto Feiral de A Coruña	0
Fundación Centro Tecnolóxico da Carne	450
Fundación ROF Codina	10
Fundación Deporte Galego	10
Fundación Centro Tecnolóxico do Mar	0
Fundación Galega de Formación para o Traballo	1
Fundación Camilo José Cela	2
Redes de Telecomunicación Galegas, S.A.	500
Sociedade Pública de Investimentos de Galicia	1.810
SODIGA Galicia, Sociedade de Capital Risco	10.000
XESGALICIA, Sociedade Xestora de Entidades de Capital Risco, S.A.	20
Galicia Calidade, S.A.	6
Parque Tecnolóxico de Galicia, S.A.	53
Sociedade Anónima de Xestión do Plan Xacobeo, S.A.	0
Empresa Pública de Servizos Agrarios Galegos	0
Xenética Fontao, S.A.	380
Galaria Empresa Pública de Servizos Sanitarios	4.055
Sociedade Galega de Medio Ambiente, S.A.	17.935
Xestión do solo de Galicia, XESTUR, S.A.	12
Corporación Radio Televisión, S.A.	8.839
TOTAL	193.248

(Miles €)